

رجب ابناء عمارة

مش عارف اللي حصل واياه جرى للكون
علشان اشوف عمارة رجب كوكالة البجامون
كلام دسايس نميمة وصراخ ودق بهون
ما إتقولشى عركة ف سوقة ولا فى الكراكون
وإحنا إالى كنا حبايب لاكذب وإلا ظنون
ونسوان كانت تسرك ما تباش من البلكون
إتغير دا كله فى لحظة وأدفع أنا مليون
للى يزورنا مرة وما يطلعش من عندنا مجنون
مجنون ومعتوه ولازم يبقى عقله خفيف
علشان ولادنا اللي بيلعبوا فى البانيو بالكرنيف
واللى فى الصالة يجرى ويهتفأنا حريف
فرقة تقول برشلونة وفرقة تقول دينامو كيف
دا غير نسوان آماره ألاطه واصلين يادوب من الريف
ما كانوش بيفرقوا ما بين القنبلة وعلبة البولوبيف
عرفولى رامبو وشامبو خلونى اقول يا لطيف
وخايف أقول العيب فى كل راجل ليقولوا عنى سخيف
سخيف سخيف المهم إنى ما ألومش بنات حوا
آلوم على اللي يشعل حريقة قبل ما يفهم ولا يروى
إنه ولاده كسروا دراع سحر بنت أبو مروة
وبدل ما يجبر بخاطر جيرانه بكلمه تكون حلوة
مراته تردح تبرطع وصوتها يوصل القهوة
مهزلة وفرجة وجوزها لا حول له ولا قوة

ما تعرفش بيها فرحان وإلا خايف يقول لها جوة
لتروح رامية هدومه وتقوله نام برة
وأنتم عارفين الشتا قرب وبالليل بينزل ظل
ويمكن لسوء حظه السما تمطر والحلو يتبل
تصيبه نزلة ويظل يسعل ومفاصل أبوه تنحل
وجايز البرد يقلب لحمي والحميتقلب سل
يرضى بنصيبه وينفز كلامها ويرتضى بالذل
تقول له يومك زفت يقول خلاص عالكل
هاجيب عاليها واطيها وأوريهم كيف يكون الغل
لازم أنكد عليهم وأخلى حياتهم خل
خل والله عيشتنا ويا ريت لو تفهموا يا ناس
إن الزحام مشكلة واس المشاكل قلة الاحساس
وبلاش قالوا وعادوا والنميمة والوسواس
ساعتها هنعيش فى راحه لاقل ولا ترباس
ولا حد هتضيع منه حاجه ويقعد يدور محتاس
وهو من قلة الأصل بيعملوا عمال تدير الراس
والذوق ما هوش بالشهايد والحبر والكراس
وقبل ما نفض الحكايه تعالوا نسألوا عباس
عباس يقول ما أعرفش حاجة ولا أعرفش أى أسباب
تخلينا نتعب نفسنا ونبات فى سين وجواب
مين قال ومين عاد وهات يا لوم ويا عتاب
لكن نود الجميع وبصراحة عايشين كلنا أحباب
ومن ثقتنا فى روحنا ما يوم قفلنا الباب
ومن شوقنا فى راحة البال عايشين كده عزاب

لا نحب لانطب لا مسخرة لا هباب
لكن أقولها صراحة أس المشاكل الغبي خطاب
خطاب علشان عايز ابن المدينة يلبس طباع فلاح
مش عارف ان الأصالة جار عليها الزمان وراح
يا سيدى مجتمع وسقط ومش راح يفيد إصلاح
وزى ما فيه مآسى هقولك فيه كمان أفراح
ها تقوللى أفراح كئيبه هاقولك وكيف نرتاح ؟
فى زمن اللفت والزفت فيه أغلى من التفاح
واللى بيسمعوا عدويه أكثر من الصافي و طلال مداح
وكفايه نلاقى ف جيرانا شهم زى ابو صلاح

